



UJIAN PRA MUSIM - SEPANG

HONDA

SUDAH MULA TUNJUK BELANG



Enam hari sesi ujian pra-musim MotoGP di Sepang dan dengan hanya berbaki dua hari di Qatar sebelum perlumbaan pembukaan pada tarikh 20 Mac, sudah ada beberapa tanda-tanda tentang perlumbaan tahun 2011.

Casey Stoner adalah pelumba terpanas pada akhir setiap hari, diikuti rapat oleh rakan pasukan Repsol Honda Dani Pedrosa. Mereka berdua turut merupakan pelumba yang berjaya mencatatkan masa dibawah dua minit di Litar Sepang.

Di belakang mereka, Marco Simoncelli dan Andrea Dovizioso membuatkan empat Honda di tempat teratas dan semua dipisahkan oleh kurang dari satu saat.

Lebih penting daripada masa terpanas adalah konsistensi yang ditunjukkan oleh keempat-empat pelumba Honda itu.

Dalam analisis pada hari terakhir di Sepang, Stoner dan Pedrosa adalah dua daripada empat pemandu dengan purata catatan masa di zon 01secs 2mins - Stoner rata-rata 2m 01.286s dalam 14 pusingan dan 2m 01.683s dalam 10 pusingan buat Pedrosa.

Dibelakang kuartet Honda adalah trio Yamaha, dengan Ben Spies mencatatkan masa terpanas kelima - lebih daripada satu minit dari pendahulu tetapi berada di depan Colin Edwards dan juara berkuasa Jorge Lorenzo.

Di atas kertas, nampaknya seperti ujian buruk bagi pasukan Yamaha Factory Racing. Namun, walaupun Honda lebih cepat dalam tayar 'soft', yang Yamaha secara konsisten pada kelajuan dengan tayar 'hard'.

Beralih ke Ducati, amat sukar untuk mencari aspek-aspek positif dari sesi ujian di Sepang dengan pelumba utama mereka Valentino Rossi dan Nicky Hayden hanya berada ke tempat 11 dan 12 pada masa yang sama.





EVENT



Valentino terpaksa berehat pada hari kedua sesi ujian di Sepang ini setelah mengadu tidak sihat diserang selsema lalu terpaksa bekerja keras pada hari terakhir

Untuk kali pertama sejak pindah ke pasukan Itali itu, Rossi menyatakan keprihatinan serius tentang kelembapan pembangunan Ducati

Dia diharapkan akan meletakkan jentera Ducati di tempat enam terbaik pada akhir ujian ini. Sebaliknya, Ducatinya hanya berada ditempat ke-11 terpantas, 1.8 saat di belakang Stoner.

Tidak diragu-ragu lagi bahawa itu adalah waktu yang amat sukar buat Ducati yang dikatakan telah bersungguh-sungguh untuk menjadi kompetitif tahun ini.

Dengan hanya berbaki dua hari ujian di Qatar, waktu hampir habis untuk perlumba dan pasukan bersiap sedia untuk permulaan musim pada bulan Mac.

